

憲示第四百七十二號

署輔政使司李

曉諭事現奉

督憲札開定於西歷本月二十日卽華曆十月二十八日上午十一點鐘起至下午五點鐘止又二十二日卽華曆十月三十日下午兩點鐘起至五點鐘止各營官定於鯉魚門炮臺操演炮火其炮位由此臺直向東北之東及東南方開放爾各船戶人等切勿駛近炮碼所經之處以免不虞勿忽等因奉此令亟出示曉諭爲此特示

一千八百八十九年

十一月

十六日示

憲示第四百七十四號

署輔政使司李

曉諭事現奉

督憲札開招人投接建築四百八十八尺長海磚又築一千二百六十尺長暗渠又將在西營盤水手館面前之第一百八十七號A字海地段並西邊街之一份用泥填高所有投票均在本署收截限期收至西歷本年十二月初三日卽禮拜二正午止如欲領投票格式可赴本署求取倘另欲觀看章程及知詳細者前赴工務司署請示可也各票價列低昂任由

國家棄取或總棄不取亦可等因奉此令亟出示曉諭爲此特示

一千八百八十九年

十一月

十六日示

憲示第四百三十號

署輔政使司李

曉諭事現奉

督憲札開招人投接將域多利亞城街道打掃並將住眷舖店捨棄各物遷運他處所有投票均在本署收截限期收至西歷本年十一月二十五日卽禮拜一正午止如欲知合約之期觀看章程及知詳細者前赴潔淨事務署請示凡投票之人須在庫務署繳銀二百五十圓作庫並呈該署收單乃可落票如票批准其人不願簽立保單者則將其貯庫作按銀入官如欲領投票格式可赴本署求取各票價列低昂任由國家棄取或總棄不取亦可等因奉此令亟出示曉諭爲此特示

一千八百八十九年

十一月

十二日示

憲示第四百七十五號

署輔政使司李

曉諭事茲奉

督憲札諭將華民政務司按照保護婦女則例所出示諭開列於下等

因奉此令亟出示曉諭爲此特示

一千八百八十九年

十一月

十六日示

署安撫華民政務司言

曉諭事照得現因第六約士丹利街第二十三號門牌二層樓確犯私開娼寮之例茲本公司於十一月十四日案照一千八百八十九年保護婦女則例第四十一款判斷並將此案曉諭俾衆週知特示

一千八百八十九年

十一月

十四日示

署安撫華民政務司言

爲

曉諭事照得現因第六約機利文新街第二十六號門牌二層樓確犯私開娼寮之例茲本公司於十一月十四日案照一千八百八十九年保護婦女則例第四十一款判斷並將此案曉諭以便週知特示

一千八百八十九年

十一月

十四日示